

奉天通志

三
函之四冊
大事宣宗文宗

奉天通志卷三十八

大事三十八 清

清十二 宣宗上

宣宗道光元年春二月振巨流河等驛水災站丁

清實錄二月戊戌賑盛京巨流河白旗堡二道境小黑山廣寧
高橋七驛水災站丁

修昭陵月牙城

清實錄二月庚子諭內閣松綵 原名松寧 避御名改等奏勘驗昭陵月牙

城應修情形請擇吉興工一摺昭陵月牙城切近地宮關繫綦
要現據該將軍等勘明牆身劈閃處所亟應修理完整以昭慎
重著欽天監卽行選擇吉日知照該將軍等飭令承修官何藩

等按照勘定丈尺作速敬謹興工所需工料銀兩准其由盛京戶部銀庫動支給領工竣照例驗收題銷

又五月庚申諭內閣松霖等奏詳查續修工程一摺昭陵月牙城應修牆垣現已擇吉興工復據松霖等勘明城上海墁齷爛並牆身續有劈閃處所著歸入前項工程一併敬謹修理完整並著松霖齡椿輪流親往照料以昭慎重

建盛京圈禁宗室覺羅房屋

清實錄二月庚子盛京將軍松霖奏圈禁獲咎宗室覺羅之房屋修造完竣應需飯食爐火等項遵照成案撥款生息得旨依議詳慎爲之

夏四月補行嘉慶二十五年奉天大計

清實錄四月庚寅補行嘉慶二十五年大計盛京卓異官二員才力不及官一員年老官二員分別議敘處分如例

五月增設昌圖廳照磨

清實錄五月己未改盛京昌圖廳理事通判爲繁缺並添設照磨一員從欽差吉林將軍富俊等請也

東華錄五月己未增設盛京昌圖廳照磨一

六月諭奉天省旗民事件仍歸州縣審理

清實錄六月乙酉諭內閣軍機大臣會同刑部議奏奉天省旗民事件請仍照舊章悉歸州縣審理一摺所議是國家設官分職各有專司奉天省所屬州縣自乾隆四十四年經刑部議定凡遇旗民詞訟事件悉歸州縣審理迄今四十餘年毫無窒礙

原以州縣管理詞訟是其專責若如該將軍所奏單旗事件卽令旗員辦理旗員於刑名例禁非所素習強使聽訟必難保其明允設武職人員任性妄爲其弊尤不可言至謂旗員一切處分與州縣一體查參若無專司旗人易於玩視京城五營與各省綠營武職均與司坊州縣官一例開參豈能令武職各員俱赴文職衙門共理詞訟該將軍所奏尤爲非理所有奉天州縣旗民事件著仍照定例悉歸州縣自行審理旗員不得干預惟該州縣於尋常人犯並不移知旗員率行查拏刑訊殊干例禁著奉天府尹飭知各州縣除緊要重案仍照舊例准其自行查拏外其餘尋常案犯均知會旗員拏解如仍前率拏交該將軍指名參處以符定制

以盛京工部侍郎齡椿兼管奉天府府尹事

清實錄六月己丑以盛京工部侍郎齡椿兼管奉天府府尹事
秋七月盛京將軍松綵奏請籌款挑挖河道溝濠及修理衙署許
之

清實錄七月辛亥諭軍機大臣等松綵奏籌款挑挖河道溝池
城壕及修理衙署一摺盛京老邊一帶地勢窪下沮洳難行應
接挑河道並添建木橋加高疊道及順水壩等工均著照所議
辦理其盛京甌城內外地溝城壕及七十二池應行修挖疏濬
以及該將軍衙門屋宇坍塌損應修者均准其照例勘估興修所
有工需銀兩現有查封木植三萬餘件著卽照所請變價作爲
閒款以濟公用其所變價值務須覈實報銷不可任聽委員從

中蒙混致滋弊竇至該將軍奏稱嗣後再有緝獲私木亦歸併
一律辦理所言甚屬非是官山木植例禁綦嚴已往者姑免深
究若以偷砍之木隨時變價作爲恆有之款任意支銷勢必查
禁日漸懈弛竟是誘民犯法而利其所砍木植以充公用者且
查拏之員均視爲利藪其中侵吞影射之弊日益滋生尤傷政
體著該將軍督率沿邊卡倫員弁實力查禁嗣後如有偷砍木
植者查拏解交盛京刑部按律懲辦其所獲木植不准擅行變
賣並著該將軍每年將拏獲私砍木植起數於年終彙奏一次
盛京刑部侍郎將一年審辦偷木案內報獲私木若干亦於年
終彙奏一次以憑查覈將此諭知松綵並諭盛京刑部知之

又四年十一月丁未諭內閣晉昌等奏動用閒款銀兩分年修

竣各工據實奏銷一摺盛京應修橋道溝池衙署房間等工前經降旨將查封木植變價作爲閒款以濟工用茲據該將軍等奏稱廣寧屬界老邊等處添修木橋疊道土壩開挖溝渠等工共估工料銀一萬二千五百三十四兩零內除支領舊有商捐生息銀兩外動用木植閒款銀七千九百四兩零挑修省城內地溝城壕七十二池等工共估工料銀一萬七百七十四兩零修理將軍衙門屋宇共估工料銀一萬四百三十七兩零驗收各工已陸續如式修竣並無偷減情弊俱照原估實用實銷造冊咨送工部查覈據實奏銷著卽將衙署房間移咨盛京工部各依修竣年分照例起限保固以歸覈實此項閒款銀兩除各工動用外賸存銀六十七兩零著照歷年私木變價之例咨送

奉天通志 卷三十一
盛京工部作爲歲修之用

貸奉天府府尹葭餘銀修理衙署

清實錄九月癸亥貸奉天府府尹葭餘銀修理衙署

諭盛京派祭長白山人員准其馳驛

清實錄九月甲戌諭內閣昇寅奏春秋致祭長白山執事人員請給驛馬一摺向來派員告祭長白山執事人員俱准馳驛其每年春秋二季致祭由盛京派往執事人員則係自備馬匹長途跋涉易形疲乏著加恩嗣後由盛京派往吉林之讀祝官一員典儀官一員對引官一員准其照告祭之例往返一體馳驛並准每員隨帶跟役一名由盛京兵部填給火牌沿途更替以示體恤

鳳凰城等處水

清實錄九月甲戌盛京將軍松綵等奏鳳凰城等四處被淹情形得旨明白查勘據實覆奏

又十月癸卯給盛京鳳凰城岫岩牛莊巨流河白旗堡等處被水旗民一月口糧

二年春正月松綵遷以晉昌爲盛京將軍

清實錄正月庚午調盛京將軍松綵爲黑龍江將軍以兵部尙書晉昌爲盛京將軍

耆獻類徵

三百五十五

晉昌傳二年授奉天將軍

二月封禁興京鏡爾溝官木山場

清實錄二月乙酉諭內閣松綵奏請封禁官木山場一摺興京

鏡爾溝官木山場向係撥給千丁以備陵工歲修之用茲據松
霖查明該處距福陵道途較遠挽運維艱且成材樹株甚爲稀
少著照該將軍所議出示封禁不准私行開採並嚴飭該地方
官隨時稽察務須實力奉行不可有名無實日久懈弛以昭慎
重

暫停盛京海運糧石

清實錄二月乙酉諭松霖等奏請暫停海運糧石一摺奉天省
糧價增昂據該將軍查明實因奸商居奇囤積由海口運赴他
省販賣以致民食漸形拮据自應嚴行示禁著照所請將高粱
粟米兩項暫行停止海運俟數月後察看情形如果糧價平減
再行奏請照常開運

三月定本科會試中額奉天二名

清實錄三月戊辰禮部以會試中額請得旨滿洲取中九名蒙古取中三名漢軍取中五名奉天取中二名

閏三月停盛京進獻熊豹

清實錄閏三月庚辰諭軍機大臣等從前盛京吉林捕得虎熊豹俱經進獻惟虎南苑內演習技藝往往需用熊豹並無用處將此字寄盛京吉林將軍等二十七箇月後該處如捕得虎子仍令照常齎送熊豹著無庸進獻

命奉天仍運高粱粟米接濟山東民食

東華錄閏三月辛巳命奉天仍運高粱粟米接濟山東登州等府民食

奉天通志 卷三十八
六
蠲緩寧遠等三州廳額賦

東華錄是月蠲緩奉天寧遠等三州廳額賦

夏五月齡椿遷以齊布森爲盛京工部侍郎兼管奉天府府尹事
清實錄五月丁亥調盛京工部侍郎齡椿爲禮部右侍郎以都
察院左副都御史齊布森爲盛京工部侍郎兼管奉天府府尹
事

秋七月盛京將軍晉昌奏報科爾沁招民私墾情形

清實錄七月庚辰諭內閣晉昌奏邊外科爾沁蒙古私招流民
開墾地畝情形一摺盛京法庫邊外科爾沁達爾漢王賓圖王
二旗界內向有蒙古招留流民耕種地畝並開設鋪店生理前
經松綵委員勘辦茲據晉昌查明該處旗界內因土著蒙古貪

圖租糧陸續私招流民給荒開墾現在民人已有二百餘戶墾成熟地已有二千餘晌若按名拘解審辦未免多滋紛擾卽一概驅逐亦恐流離失所著照該將軍所請准其將查出建墾房地遴派妥幹大員會同該王等按段履勘挖立地界封堆毋任再有侵越並造具民戶花名細冊就近責成昌圖通判編立甲社隨時稽察管理務使民戶與蒙古人等相安不致藉端生事至該王旗界內應否容留外旗蒙古開種地畝及失察私留民人開地之蒙古王公等應行議處並私招民戶之地東王公貝勒台吉阿勒巴圖等如何懲辦之處著該盟長咨報理藩院查覈辦理

又三年九月庚午諭內閣晉昌奏勘辦科爾沁蒙古私招開墾

並續查出人地數目一摺邊外科爾沁蒙古私招流民開墾地
畝前經降旨交晉昌委員勘辦茲據續行查明卓哩克圖王旗
招留民人二百五十五戶鋪店酒局十六座共墾地三千一百
八十四晌賓國王旗招留民人一百三戶耕種熟地一千五百
四十六晌鋪店酒局十二座該二旗招墾熟地均經挖立地界
封堆嚴諭各民戶毋得復行展占並傳知蒙古不准再爲招墾
著該盟長將續行查出民戶咨報理藩院查覈辦理所有建墾
房地准其歸入原查民戶數內責令昌圖通判稽查管理照冊
編設保甲選充鄉長嚴加管束毋許滋事仍於每年春融派員
往查昌圖八社之便一體稽查報部以昭覈實

耆獻類徵

十三百五

晉昌傳三年科爾沁蒙古私招開墾晉昌查明

卓力克圖王旗招留民人二百五十五戶共墾地三千一百八十四畝鋪店酒局十六座賓圖王旗招留民人一百三戶耕種熟地一千五百四十六畝鋪店酒局十二座均經挖立地界封堆所有房地請歸入原查民戶數內責令昌圖通判稽查管理毋許滋事仍於每年春融派員往查昌圖入社之便一體稽查從之

盛京將軍晉昌奏報籌議砍運黃松樹株事宜

清實錄七月庚辰諭軍機大臣等晉昌奏躡獲黃松樹株籌議砍運事宜一摺據稱嘉慶十一年採辦工用木植查照乾隆年間舊章係由直隸總督撥船轉運此次躡獲樹株一百四十件俟明歲春融上緊運至岫巖大孤山海口請循照舊例仍由直

奉天通志 卷三十六
隸撥船載運等語此次黃松木植爲緊要工需著顧檢於明歲春融時撥雇商船派委妥員押赴岫巖大孤山海口迅速載運工次以備應用將此諭令知之

又十一月癸巳諭顧檢奏起運木植請由奉天牛莊轉運一摺盛京採辦工用木植前據晉昌奏請運至岫巖大孤山海口由直隸撥船載運茲據該督查明此項木植向係天津縣分運七成寧河縣分運三成惟該二縣海船於岫巖大孤山海口一帶素未經由恐滋貽誤請循照舊章由盛京將軍委員押赴牛莊海口令天津寧河二縣撥雇商船前往載運自係實在情形著晉昌於明歲春融卽委員將木植押至牛莊交直隸商船接運工次以期妥速